

NUUP MITTARFIATA ALLINEQARNISSAANUT ASN-IMUT AKUERSISSUTIP MAALAAARUTIGINEQARNERA

Naalakkersuisut

Pinngortitamut, Avatangiisinut Ilisimatusarnermullu Naalakkersuisoqarfik

Imaneq 1A 801

Postboks 1614

3900 Nuuk

E-mail: PAN@nanog.gl

Kalaallit Airports A/S-ip Nuummi mittarfiup maanna atuuttup 4. juni 2016-imi qinnuteqaatigivaa allineqarnissaa.

Naalakkersuisut 1. marts 2019-imi aalajangersimapput ASN pillugu qinnuteqaat akueriniarlugu atortut ilaasa avatangiisinut sunniutaanik nalilersuineq aamma avatangiisinik nakkutilliinermut akiliutit pillugit Namminersorlutik Oqartussat nalunaarutaat nr. 5, 27. marts 2019-imeersumi § 19 naapertorlugu.

Naalakkersuisut aalajangiussaataatigut atsiortumiit matumuuna Avatangiisit Innarlitsaaliorneqarnissaat pillugit Naammagittaalliuuteqarfimmut maalaarutigineqarpoq avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-imeersoq § 60 naapertorlugu.

Ataani atsiortut tamarmik Nuummi najugaqarput aammalu tamarmik mittarfiup allineqarnerani ingerlatsinermi aammalu sanaartornermi sunnerneqartussaallutik.

Maalaarut ilaannakortumik *Nuup Mittarfianik alliliinermi suliat allattorsimaffiat* 30. januar 2019-imeersoq aallaavigalugu imaqaarniliorneqarnikuuvoq, aammalu suliarineqarnikuulluni Pinngortitamut, Avatangiisinut Ilisimatusarnermullu Naalakkersuisoqarfimmiit (tulliuttuni "Naalakkersuisoqarfik" atorineqarumaarpoq "Pinngortitamut, Avatangiisinut Ilisimatusarnermullu Naalakkersuisoqarfik"-ittut isumaqartinneqarluni), aammalu *Nuup Mittarfiata allineqarnissaa pillugu ASN-imut akuersissut* 4. marts 2019-imeersumut tunngassuteqarluni, ilaatigut Naalakkersuisut nalunaarutaannut suliat allattorsimaffianni saqqummiunneqartunut maalaarutinit,

oqaaseqaatinut aammalu innuttaasuniit pisortaniillu apeqqutitut tunngatillugu aallaaveqarluni.

ASN pillugu sammisat aammalu Naalakkersuisoqarfiup suliat allattorsimaffiani oqaaseqaatai nangitsisinnaaneq pillugu:

- **Nipiliorneq:**

- (Pinngortitamut, Avatangiisinut Ilisimatusarnermullu Naalakkersuisoqarfik ASN pillugu suliat allattorsimaffiani: *Suliniutit nipiliornermut annikillisaataasussat pisariaqarnerat malillugu ASN-imut akuersissummut piumasaqaatitut ilanngunneqarput; qupperneq 18)*
- (Pinngortitamut, Avatangiisinut Ilisimatusarnermullu Naalakkersuisoqarfik ASN pillugu suliat allattorsimaffiani: *ASN-imut akuersissummi nipimik alapernaarsuinissamut aamma nipimik annikillisaataasunik suliniuteqarnissamut piumasaqaateqartoqarpoq; qupperneq 28.*
- (Pinngortitamut, Avatangiisinut Ilisimatusarnermullu Naalakkersuisoqarfik ASN pillugu suliat allattorsimaffiani: *ASN-imut nassuiaammi sanaartornerup ingerlatsinerullu nalaani nipikillisaataasunik suliniuteqarnissamut piumasaqaateqartoqarpoq; qupperneq 29.*
- (Pinngortitamut, Avatangiisinut Ilisimatusarnermullu Naalakkersuisoqarfik ASN pillugu suliat allattorsimaffiani: *Motoorinit misileraanermit nipiliornermi nipiliornermut killissarititassatut innersuussutigineqartut qaangerneqassanngitsut ASN-imut akuersissummi allassimassaaq)*

- **Sajuppilutsitsinerit:**

- (Pinngortitamut, Avatangiisinut Ilisimatusarnermullu Naalakkersuisoqarfik ASN pillugu suliat allattorsimaffiani: *ASN-imut akuersissummi sajuppilutsitsinermi akornusersuinissap isumagineqarnissanut pilersaarusiortoqarnissaa piumasaqaatigineqassaaq; qupperneq 30)*

- **Pujoralaat aniatitallu:**

- (Pinngortitamut, Avatangiisinut Ilisimatusarnermullu Naalakkersuisoqarfik ASN pillugu suliat allattorsimaffiani: *Pujoralaat akornusersuinissaat sapinngisamik annikillitinneqassaaq; qupperneq 19)*

- (Pinngortitamut, Avatangiisinut Ilisimatusarnermullu Naalakkersuisoqarfik ASN pillugu suliat allattorsimaffiani: *Pujoralaat akornusersuinissaannut piumasaqaatit ASN-imut akuersissummut piumasaqaatitut ilanngunneqassapput; qupperneq 19, 30 aamma 31)*)
- (Pinngortitamut, Avatangiisinut Ilisimatusarnermullu Naalakkersuisoqarfik ASN pillugu suliat allattorsimaffiani: *Eqqakkanik PCB-mik akulinnik passussinissaq ASN-imut akuersissummut piumasaqaatitut ilanngunneqassaaq; qupperneq 19 aamma 32)*)
- **Nunap qaani imeq aamma imeq errortuutikoq:**
 - (Pinngortitamut, Avatangiisinut Ilisimatusarnermullu Naalakkersuisoqarfik ASN pillugu suliat allattorsimaffiani: *ASN-imut akuersissut tamatumunnga piumasaqaatinik imaqassaaq; qupperneq 22 aamma 33)*)
- **Nunamik mingutitsineq:**
 - (Pinngortitamut, Avatangiisinut Ilisimatusarnermullu Naalakkersuisoqarfik ASN pillugu suliat allattorsimaffiani: *ASN-imut akuersissut tamatumunnga piumasaqaatinik imaqassaaq; qupperneq 36)*)
- **Tammaarsimaarfik:**
 - (Pinngortitamut, Avatangiisinut Ilisimatusarnermullu Naalakkersuisoqarfik ASN pillugu suliat allattorsimaffiani: *ASN-imut akuersissut sulisartut tammaarsimaffiannik sananissamut pilersaarusiornissamut piumasaqaammik imaqassaaq; qupperneq 37)*)
- **Pinaveersaartitsilluni iliuusissat:**
 - (Pinngortitamut, Avatangiisinut Ilisimatusarnermullu Naalakkersuisoqarfik ASN pillugu suliat allattorsimaffiani: *ASN-imut akuersissummi pinaveersaartitsissutaasussanut piumasaqaateqartoqassaaq; qupperneq 37)*)
- **PCN-ip nalinga:**
 - (Pinngortitamut, Avatangiisinut Ilisimatusarnermullu Naalakkersuisoqarfik ASN pillugu suliat allattorsimaffiani: *ASN-imut akuersissut ujaqqat qaartiterlugit piiakkat, ujaqqanik aserorterineq, pujoralaat il.il., ASN-imut nassuiaammi allaaserineqartut tunngavigalugit tunniunneqarpoq; qupperneq 39-40)*)

Naliginnaasut oqaaseqaatit/ASN-imut akuersissummi piumasaqaatinut akerliliissutit:

ASN-imut akuersissummi immikkoortoq 6: 'Sanaartornerni suliassanut avatangiisinut iliuuserineqarnissaasut pilersaarutit' immikkoortuni 15-anini Naalackersuisoqarfiup KAIR-imut (Kalaallit Airport A/S)-imut piumasaqaatai oqaatigivaat suliniutip sularinissaanut pilersaarusiornissamut – taassumalu ataani 'uuliamiit akoorutissaniillu kuuttoortoqarnissamut qanoq iliuusissatut pilersaarutissat' il.il. 'ANFO-mik toqqorsinissamut sularinninnissamullu aamma maangaannartoornissamut kiisalu qaartiterinermut uuliamik atukkanut pilersaarusiornissaq' aammalu sajuppilutsitsinerit nakkutiginnissaanut pilersaarusiornissaq'.

Avatangiisinut iliuuserineqarnissaasut pilersaarutit Naalackersuisoqarfimmiit akuerineqassapput. Pissutsit taakku Avatangiisinut iliuuserineqarnissaasut pilersaarutit imarisassaat tassaassapput najoqqutassat, anguniagassatut pilersaarusiit il.il. taakkualu tamanut tassa inunnut ataasiakkaanut Kommuneqarfik Sermersuumullu tusarniaanerit ilutigalugit kiisalu pisortatigoortumik ASN pillugu nassuiaatit pillugit naapinnerit aalajangiisuusimallutik. Taamaattumik naammaginangitsuinnaanngilaq aammalu akuersaarneqarsinnaanani taakku pissutsit KAIR-imiit Naalackersuisoqarfimmiilu kisimik aalajangiiffigineqarnissaat periarfissaqartoqarani pisortatigut ammasumik oqallisigineqaqqaarnissaat.

Nipiliorneq:

Naalackersuisoqarfiup apeqqutitut akerliliinernullu 'nipiliorneq' pillugu oqaaseqaataani ilaatigut Naalackersuisoqarfiup Nuup Mittarfiata allineqarnissaanut suliit allattorsimaffiani takuneqarsinnaavoq:

- *(Suliniutit nipiliornermut annikillisaataasussat pisariaqarnerat malillugu ASN-imut akuersissummut piumasaqaatitut ilanngunneqarput; qupperneq 18)*
- *(ASN-imut akuersissummi nipimik alapernaarsuinissamut aamma nipimik annikillisaataasunik suliniuteqarnissamut piumasaqaateqartoqarpoq; qupperneq 28)*
- *(ASN-imut nassuiaammi sanaartornerup ingerlatsinerullu nalaani nipikillisaataasunik suliniuteqarnissamut piumasaqaateqartoqarpoq; qupperneq 29)*
- *(motoorinit misileraanermit nipiliornerni nipiliornermut killissarititassatut innersuussutigineqartut qaangerneqassanngitsut)*

ASN-imut akuersissummi immikkoortut 10-mit 16-animut aammattaaq imaqarput arlalinnik qanoq pilersaarnermik nalunaarutini malittarisassiuussinernillu, kisianni uagut isumarput malillugu naammannerujussuarput Nuummi innuttaasut paasitinnissaanut ukiut pingasut sisamalluunniit illoqarfimmi atugarissanngikkigut nipiliorfigitinnerit aammalu taamaattumik innuttaasut inuunerisa nalii atajuartumik sunnerneqarumaartut (assersuutigalugu unnuami sininneq akornusersorneqarataannaavoq). Tamanna tunngaveqanngitsuunngittoq ernumassutigisaasoq ASN-imut akuersissummi nunap assinga pingaarnerusuinnarnik nalunaarsuiffitalimmi tunngavilersorneqarpoq tassanimi ersermat suliniutip ingerlannerani nipiliornerup siaruarnera.

Assersuutigalugu piffissamut tunngatillugu killiliussatuaasoq tassaavoq piffissap iluani 22-07 qaartiterisoqaqqusaannginnera. Tamassuma piumasaqaatip taamaallaat pivai qaartiterinerit aammalu qaartitsikkanik dozerinerit, aserorterinerit, immikkoortiterinerit aamma ujaqqanik qaartitsikkanik nunniornerit pineqaratik. Qaartiterinerit nipitupput kisianni sivikillutik. Ujaqqanik aserorterineq, nivattaassuit ingerlaartarnerat aammalu ujaqqat qaartitsikkat nivanneri 50 meterit tikillugit portussuseqartut katersornerat ataavatumik, assigiiaamik sivilisuumillu nipiliorfitsisarpoq, aammalu tamanna pilersaarutini malillugit ulloq unnuarlu ingerlanneqartartussaalluni. Annertussusaa ilusilersussagaanni 5,4 mio. m³-it qaqqat ukiuni sisamani qaartitserneqarnissaat naatsorsuutigineqarpoq. Naatsorsuutigigaanni nivattaassuit 24 m³-it ujaqqat qaartitsikkat imarisinnaagaat agguaqatigiisillugu ullormut usit 80-init ikinnerunngitsut ujaqqat qaartitsikkat nuunneqartassapput.

Aammattaaq akuerineqarsinnaanngilaq taakku nipiliornerit killigitat ilaat qaangerneqarsinnaassasut Ilisimatusarfimmut, Grønlands Universitet-imut ungasissusaa eqqarsaatigalugu pilersaarutit malillugit sanaartorfiusussamiit 700 meterit missaani ungasissuseqarmat. Suliniutit ingerlaarnerisa sivilisussusissaat bachelorimut ilinniakkap naammassinissaanut piffissarisaaniik sivilisunerussaaq.

Aammattaaq uagut isumaqarpugut piumasaqaatigineqartariaqartoq KAIR-ip Katuami ataatsimiisitsinermi 10. april 2019-imi neriorsuineratigut taamaallaat qaartitserisarniarlutik pingasunngornikkut sapaatikkullu akunnerit marluk ASN-imut akuersissummi piumasaqaatitut ilanngunneqartariaqartoq.

Ataani ilusiliami (ASN-imut akuersissummi qupperneq 22-imi) aammattaaq takuneqarsinnaavoq piginneqatigiilluni inissiat pilersaarutigineqartut naluttarfiup eqqaani sanaartorneqartussat 80 db-ip nipimut killissarititaasut timmisartut

qulimiguullillu tingineranni minnerannilu iluaniinnerat aammattaaq maalaarutigineqarmat.



ASN-imut akuersissummi immikkoortoq 40-imi takuneqarsinnaavoq piffissami ingerlatsiviusumi motorinik misileraanerit nipiliornerit taakku killissarititaasut missingersorneqartut 12 dB (A) unnukkut aammalu 20 dB (A) unnuakut qaangersinnaagaat. Tamanna akuerineqarsinnaanngilaq. Minnerunngitsumik pissutigalugu immikkoortoq 41 aammattaaq periarfissiimmat immikkut akuerineqarluni nipiliornerunissamut qinnuteqartoqarnissamut.

Sajuppilutsitsinerit:

Suliat allattorsimaffiani takuneqarsinnaavoq "ASN-imut akuersissummi sajuppilutsitsineri akornusersuinissap isumagineqarnissanut pilersarusiortoqarnissaa piumasaqaatigineqassaaq"; qupperneq 30).

Immikkoortoq 6.8 KAIR-imut piumasaqaammik imaqarpoq 'sajuppilutsitsinerit nakkutigineqarnissanut pilersarusiamik' sanasoqarnissamik tunngasumik.

Tamanna naammaginangilluinnarpoq aammalu arlaatigulluunniit ajoqusiinernut imaluunniit sajuppilutsitsilluni ajoqusiisinnanernut kingusinnerusukkut taarsiivigineqarnissamik isumannaarinani.

Paasisagut malillugit suliniutini naliginnaasuvoq ilaatigut annertuumik attaveqaqatigiinnermut najugaqarfiit qanigisaani suliniuteqartoqartillugu ingammik qaartiterisoqarpat suliniutip aallartinnginnerani suliarineqassasoq eqqartuilluarneq aammalu illunik nalunaarsuineq equsoornernik pioreersunik imaluunniit quppanik. Quppaqarpat quppap qaavanut sanaassamik ikkussisoqassaaq takuniarlugu quppaqaleriartornera unitsinnersoq, aammalu kingusinnerusukkut quppaqalerpat imaluunniit allatigut ajoqusertoqarpat piumasaqaateqartoqassaaq tassunga uppersarneqartumut ajoqusernermut ikiuusiinissamik imaluunniit taarsiivigineqarnissamik.

Aammattaaq amerlasuut sajuppilutsitsinernik uuttortaatit amerlasuut illuliani ikkussorneqassapput, qaartsitseriffiup eqqaa tamaat uuttortarniarlugu aammalu taamaasilluni sajuppilutsitsinerit uppersarniarlugit.

Pujoralaat aniatitallu:

- *Pujoralaat akornusersuinissaat sapinngisamik annikillitinneqassaaq; suliat allattorsimaffiani qupperneq 19)*
- *Pujoralaat akornusersuinissaannut piumasaqaatit ASN-imut akuersissummut piumasaqaatitut ilanngunneqassapput; suliat allattorsimaffiani qupperneq 19, 30 aamma 31*
- *Eqqakkanik PCB-mik akulinnik passussinissaq ASN-imut akuersissummut piumasaqaatitut ilanngunneqassaaq; suliat allattorsimaffiani qupperneq 19 aamma 32)*

ASN-imut akuersissummi immikkoortoq 6.12-imi takuneqarsinnaavoq KAIR-ip sanassagai 'pinaveersaartitsilluni iliuusissat pilersinneqarnissaanut pilersaarutit, taassumalu ataani nipimik annikillisaanissamik aammalu pujoralannik pinaveersaartitsinissamut pilersaarutit', aammalu immikkoortut 17 aamma 18 malittarisassanik imaqarlutik pujoralaat aalajangeruminaatsut annikillisarnissaanut aammalu maskiinanut atortunut pujoralaat assersornissaanut pilersitsinissamut.

ASN-imut nassuiaammi sanaartornerup nalaani pujoralammik siaruartitsinissaq eqqarsaatigineqarsimanngitsoq kommuni isumaqarpoq. Minnerpaamik pujoralaat siaruarfissaannut – anorlerfiunerpaasartuniillu katersuuffiusunut –

takussutissaqartartinneqarsimanngilaq. Tamanna uagut isumarput malillugu annertuumik akunnakusoorpoq pujoralannut akornutit annikillisarnissaat pillugu.

Aammattaaq sisorarfik sisorarfiillu eqqorneqarumaarput suliniutip ingerlanneraniinnangitsoq, aammalu anorip pissusai sisorarfimmi allanngorumaarput qaqqap annertoortaa peerneqarpat!

Nunap qaani imeq aamma imeq errortuutikoq:

- (Pinngortitamut, Avatangiisinut Ilisimatusarnermullu Naalakkersuisoqarfik ASN pillugu suliat allattorsimaffiani: *ASN-imut akuersissut tamatumunnga piumasaqaatinik imaqaassaaq; qupperneq 22 aamma 33*)
- Immikkoortumut 'Nunap qaani imeq aamma imeq errortuutikoq'-imut innersuussilluni Kommuneqarfik Sermersuup maalaarutaanut qupperneq 33-imi suliat allattorsimaffiani takuneqarsinnaavoq Pujoralaat annikillisinnissaannut Peter Barfoed-imiit maalaarummi, aammattaaq eqqartorneqartoq suliat allattorsimaffiani qupperneq 33-imi, tassani erserpoq aqquernup mittarfiup avannaaniittup sananeqarneranut atatillugu Blok T-imiit, PCB-mik akulinnit pujoralaat ingerlanneqarumaarnerat pillugu oqaatigineqarpoq ASN-imut akuersissummut piumasaqaatitut tamanna ilanngunneqarumaartoq. Taassuma ataani aammattaaq isumannaarneqarpoq taassuma aamma ilagigaa aqquernup mittarfiup avannaaniittup sananeqarneranut atatillugu atortussanik qalluineq mittarfiup naanerani maannakkut eqqaavissuarmi. Aammattaaq RESA/mittarfiup naaneranut immernissaanut aamma nunap ilaa CAT 1, sivinganerit naanerinik immersuineq tamannalu naatsorsuutigineqarluni qaamut aalajangersimasumut pilersinneqarumaarluni, taamaammallu naatsorsuutigineqarluni eqqaavissuakumiit immiussat peerneqarumaartut qaqqamut aalajangersimasumut. "Ulorianartummi eqqagassat" eqqaavissuarmut inissinneqarnikuupput. Aammalu suli taamaannissaat ilimagineqarluni. Kisianni ulissimaneqarlutik! Isumannaarneqassaaq ASN-imut akuersissut aammattaaq eqqagassanik allanik ulorianartunik eqqaavissuarmiit atorunnaarneqartumiit imaqarumaartoq.
- Suli takussutissanik amigaateqartoqarpoq mittarfimmiit qanoq kuuffilersuisoqassanersoq.
- Kommunip maalaaruteqarnera pinngortitap uuliamik qallerneqartarnissaa imaluunniit Qinngutsinni imartatsinniluunniit quajaatit naasoqarnissaa pillugu isiginiarneqarsimannginnera akuersaarneqarsinnaanngilaq.

Eqqakkat eqqagassalerinerlu

Immikkoortut 6.2-6.4, 22, 23 aamma 46-49 eqqakkanut eqqagassalerinernullu tunngapput kisianni arlaatigut KAIR-imut peqqusinatik eqqagassat suussusaat annertussusaallu nalunaarsorneqartarnissaanut, kiisalu qanoq qaqagukkullu eqqagassalerisoqarsimanersoq. Tamanna piumasaqaat saneqqunneqarsinnaassanngikkaluarpoq taakku paasissutissat isumannaarnissaanut.

Erseqqinngilaq avannamut mittarfiup allineqarnissaa Saviminernik eqqaavissuarmiit eqqakkanik peersinermik imaqarnerisik manngertumut qaqqamut piniarluni. Taamaassappat ASN-imut akuersissummi piumasaqaatinik amigaateqartoqarpoq tamanna qanoq avatangiisinut ajornartorsiutaalernera pinngitsoortinneqarsinnaanersoq.

Nuna mingutsitaq:

- (Pinngortitamut, Avatangiisinut Ilisimatusarnermullu Naalakkersuisoqarfik ASN pillugu suliat allattorsimaffiani: *ASN-imut akuersissut tamatumunnga piumasaqaatinik imaqassaaq; qupperneq 36*)
- Qaartsitserinerit kingorna dieselolie 11 tonsit missaaniittoq siaruartinneqassaaq. Annertussusaa isummerfigiuminaappoq aammalu avatangiisinut sunniuteqassanersoq nalileruminaalluni, aammalu naammattumik nalunaajarneqarani ajornartorsiutaasup taassuma qanoq suliarineqarumaarneranik.
- Kisianni ANFO-mik qaartsitserinissaq pillugu arlaatigut takussutissaqarpoq naatsorsuutigineqassasoq ilimagisamiit annertunerujussuarnit ANFO-nit atuisoqarumaartoq. Tamannalu isumaqarluni annertunerusumik mingutsitsisoqassasoq aammalu Qinngutsinni quajaatinik naasoqarnerulersitsissalluni. Minnerunngitsumillu naatsorsuutigigaanni sapaatip-akunneranut marloriaq qaartsitserisoqartassasoq, tassa pingasunngornermi sapaammilu akunnerit marluk. Soorlu Kalaallit Airports paasititsiniaalluni ataatsimiisitsinerani pingasunngornermi 10. april oqaatigineqareersoq. Unammillernartua uaniippoq ANFO isugutserinnaannginnami aammalu akuungaana taamaallaat tiimialunnguit atasinnaalluni. Taakku putut qaartsitseriffissat ulloqqeqqata-tungaani immerneqartassapput, kisianni aatsaat paneqqappata, aammalu

qaartsitserineq pissappat ulloqqata nalaani, taava mittarfik aaqqissorlugu ualikkut angumerisinnaassaaq. Isugutappat, siallerpat nittaalarpat imaluunniit sikoqarpat taava aatsaat sapaatip-akunnerata affaa qaagiuppat aatsaat qaartsitserineqassinnaassapput. Taava taanna pilersaarusiaq pingasunngornikkut sapaatikkullu qaartsitserisarnissap atuutsinneqartussaq attassinnaanissaa ilimanangilaq. Taamaattumik imminut assortuussorinarpoq pujoralaat imermik akiuunneqarniarpata. Assersuut suliat allattorsimaffiani qupperneq 6-imi allerpaami takuneqarsinnaavoq. Takuneqarsinnaavoq ANFO-p imeq saperaa. Taamaasilluni tamaani qillerisoqarsinnaanilu qaartsiserisoqarsinnaangilaq. Aamma qillerinerit pujoralanitsitsisarput.

Pinaveersaartitsilluni iliuusissat:

- (Pinngortitamut, Avatangiisinut Ilisimatusarnermullu Naalakkersuisoqarfik ASN pillugu suliat allattorsimaffiani: *ASN-imut akuersissummi pinaveersaartitsissutaasussanut piumasaqaateqartoqassaaq; qupperneq 37*)

Naalakkersuisoqarfiup suliat allattorsimaffiani 'neriorsuutaa' akerleralugu ASN-imut akuersissummi piumasaqaat pingaarnerpaaq immikkoortoq 6.12-imi imarineqartoq tassaavoq KAIR pisussaaffilerneqassasoq pinaveersaartitsilluni iliuusissanik pilersaarusiamik sananissaanut. Taassuma imarivaa pinaaveersaartitsilluni iliuusissat pillugit attaveqaqatigiinnerup tamanut ammasuunani ingerlanneqarumaartoq, tamannalu uagut isumarput malillugu akuersarneqarsinnaanani.

PCN-ip nalinga:

- (Pinngortitamut, Avatangiisinut Ilisimatusarnermullu Naalakkersuisoqarfik ASN pillugu suliat allattorsimaffiani: *ASN-imut akuersissut ujaqqat qaartiterlugit piiakkat, ujaqqanik aserorterineq, pujoralaat il.il., ASN-imut nassuiaammi allaaserineqartut tunngavigalugit tunniunneqarpoq; qupperneq 39-40*)

PCN nalinga pillugu (allequtarisap qajannaassusaa) qaartsitserinissamut pisariaqassusaanut tamanna sunniuteqarpoq. PCN nalinga qaffasinnerutillugu taava qaartsitserinissap naqiterinissarlu pisariaqassusaa annertunerussaaq. Aammalu taamaasilluni allequtarisat pioreersut PCN nalingi appasinnerit peertariaqalersinnaallutik. AIP malillugu ullumikkut Nuup mittarfianut 46-uvoq. Missingersorneqarpoq mittarfimmi nutaami 80-iussasoq.

Isumannaallisaaneq

Akuersaarneqarsinnaanngilaq Qinngorput tamarmi matoqqatinneqarsinnaassasoq pissutigalugu kujammut aqputaa piffissani aalajangersimasuni matoqqatinneqartartussaammat, aammalu taamaasilluni navianarsitillugu mittarfik saneqqullugu avannamut aqputaa persilerpat aammalu matuneqarsinnaalluni soorlu assersuutigalugu biilnik apummi marreqqasuniit. Taama pisoqartillugu Qinngorpumi ikuallattoqaraluarpat kingunipilutsitsiinnariaavoq. Taassuma aarlerinartuunera peqqutigerpiarlugi kujammut taamanikkut aqqusiortoqarnikuuvog.

Mikkiartulernermi qulliit kujammut sammisut napparutini ungaluugallit akuerineqarnikuupput, kisiannili peerneqarlutik pissutigalugu pakatsinartuummata. Peqqutissaqanngilaq upperissallugu sillimaniarneq peqqutigalugu nappartinneqaqqikkumaanngitsut aammattaaq peqqusiullugu mittarfimmi minnissamut pitsaassutsit minnerulernerat.

Isikkunut tunngasut:

Suliat allattorsimaffiani qupperneq 3-mi isikkunut tunngasut pillugit allaqqavog: "Quassussuarmi qaartiteriffiusut isukkussaanni ilanngartorneqartussat kiisalu isikkunut sunniutissat immikkoortinneqanngillat".

Naalakkersuisoqarfiup akissutaani allaqqavog: Sanatitsisup ANS-imut nassuiaammi isikkunut tunngassuteqartut eqqarsaatigisimavai. Oqaaseqaat ASN-imut nassuiaammi allannguissamut tunngavissiiingilaq".

Kisianni sanatitsisoq kisiimiilluni isikkunut tunngassuteqartut eqqarsaatiginngilai.

Aammattaaq innuttaasut amerlasuut taamaasiorput.

Aammattaaq Sermersuup Kommuniata Sermitsiaq.AG-ikkut ilanngutassiinerisigut taamaappog. Attaveqanngitsuusutut ilanngutassiisog aammattaaq Naalakkersuisoqarfiup isiginiartariaqarpaa allanut maalaaruteqarnernut tunngatillugu sanatitsisumersut kisiartatut isiginiarneraniit.

23. december 2018 <https://sermitsiaq.ag/kl/asiimittarfik-illoqarfimmut-ajortumik-ilisarnaataalersinnaavog>

24. december 2018 <https://sermitsiaq.ag/kl/asiip-mittarfik-kusanaatsoq-pinaveersaartinniarpaa>

Kulturikkut oqaluttuarisaanikkullu immikkut soqutiginartut

KOMMUNIMUT PILERSAARUMMUT TAPILIUSSAQ 3E4-1 Nuuk, Qimatuliviit, ujaqqanik piiaaffiugallartoq ammasoq Novembari 2010-imeersumi allaqqavoq 'nunap avatangiiserisap ilusaa eqqarsaatigalugu, ilaatigut sumiiffiup kitaa tungaani qunnersuaq kujataa tungaanilu qaqqasunnaq kiisalu nuna sumiiffiup killinganiittoq sanaartorfigineqanngitsoq, pinngortitami ilutsit pioreersut ilisarnaatillu eriagineqassapput allanngortinneqassanatillu. ASN-imut akuersissummi allaqqasoqanngilaq suut peqqutigalugit nunap ilaa eriagineqanngitsutut isigineqannginnersoq. Tamanna kukkunerunasorivarput.

Eqqartorneqartumi kommunimut pilersaarummut tapiliussami qupperneq 8-imi, spalte 5-imi Qanganitsat nunamiittut pillugit ima allaqqavoq: sumiiffimmi qanganitsanik peqartoqarneranik Kommuneqarfik Sermersuumi ilisimasaqartoqanngilaq, tamannali sumiiffimmi tamakkunanga misissuisoqarsimannginneranik pissuteqarpoq. Qimatuliviit isumaqarput "Toqqorsivik", aammalu tassunga atsiunneqarneranut peqqutaapput taakku ujaqqat angisuut qooqqumiittut qaqqap kangiata tungaani Stanislaw Plads-ip eqqaaniittut. Imarsiortunut nalunaaqutsiussap "Over 1" eqqaani. Ujaqqat akornanni alanngumi nerisassanik toqqorsiveqartarsimapput. Taamaattumillu qanganitsat nunamiittoq eqqartorneqarpoq, tamannalu ataqqineqartariaqarluni!

Sukisaarsaarnermi pissutsit / Avatangiisinut Sunniutissanik Naliliineq

Nuup illoqarfia sakkortuumik inissaaleqiffiuvoq. Mittarfiup inissisimanera taama najugaqarfinnut qanitsigitillugu kiisalu illoqarfiup ineriartornera illoqarfimmi akulikinnerusumik sanaartortariaqalerneq toqqaannartumik peqqutaalluni illoqarfiup alliartorneranut sioranartoqartitsivoq. KAIR-ip paasisitsiniaalluni ataatsimiisitsinerani 10. april 2019-imi Kommunip paasititsissutigivaa illoqarfimmi akulikinnerusumik sanaartornissaq illoqarfiup inissaaleqiffiuneranut iluarsisutissarigaa. Taamaasilluni imarpik qulaallugu mittarfiup taama illoqarfimmut qanitsigalugu inissisimanera illoqarfiup avatangiisaanut ima kinguneqartitsissaaq illoqarfimmi piffiit atorneqanngitsut ikinnerulissammata. Taanna pilersaarutigineqartoq mittarfimmut allisitsineq ilanngullugu mittarfiup – isumannaallisaanermut killegarfik ilanngullugu – najugaqarfinnik nunap ilaanik sanaartorfiusinnaasoq 2 km²-inik annertussusilik tigummissavaa. Suliniummut

nunap ilai annertuut ilanngunneqassapput, naak nunat assigiinngitsut akornanni mittarfik allamut inissinneqaraluarpat nunap ilai nutaat ammarterneqarsinnaassagaluartut (soorlu maannakkut mittarfik) najugaqarfinnut aammalu piffinnut ammatitanut. Tamanna pillugu isummertoqartinnagu taava ASN-imut akuersissutip ilaatigut meeqqanut inuusuttunullu avatangiisinut kingunerisassat akuerissavaat, taakkualu periarfissaqanngitsut ajornanngitsumik nammineerlutik nunarujussuarnut ammasunut isernissaminnut. Tamanna akuersaarsinnaanngilarput – Nuummi maannakkut innuttaasunut aammalu kinguaariit aggersunut.

Qulaani maalaarutigineqartut immikkoortut arlalinni toqqagassani toqqarneqarnikuupput – taassumalu ataani naak piumasarineqarsimagaluarluni CO2-mit tamakkiisumik artorsaatissiinissamik takussutissiamik aalajangiisoqarsimannginnera. Peqqissaartumik suliarinnittoqarnissaanut takunissatsinnik qilanaarpugut aammalu maalaarutitta akerliliinittalu akuerineqarnissaanut.

Inussiarnersumik inuulluaqqusilluta

Palle Møller Andersen
Nigerleq 43, B2309
3905 Nuussuaq,

Benny Kokholm
Musaq 12, Qinngorput
3905 Nuussuaq

Peter Barfoed
liminaq 28
c/o Postboks 420
3900 Nuuk

Anders Meilvang
Saqqarliit 36-001
3900 Nuuk

Martin Chemnitz
Asiarpak 8-201
3905 Nuussuaq

Bolette Papis
Uulineq 10B
3900 Nuuk

Michelle Danielsen
Atertaq 18, -4
3905 Nuussuaq

Malik Lynge Papis
Uulineq 10B
3900 Nuuk

Bibi Frederiksen
Fiskerbyen 8-007
3900 Nuuk

Christian Jerimiassen
Paarnat 26 – 001
Postboks 1843
3905 Nuussuaq

Birger Poppel
Kigutaarnat 80
Postboks 5199
3905 Nuussuaq

Carl Johan Simony
Timerlia 7
3905 Nuussuaq

Gujo Thorsteinson
Qattaaq 12
3905 Nuussuaq